

## 5 Pensa bon


### 5m Buska pronòmber relativo

- Bo ta kòrda? Un tipo di palabra di referensia ta *pronòmber relativo*.
- E palabranan *ku, kua, kende* i *kendenan* ta pronòmber relativo.
- E pronòmbernan relativo *ku* i *kua* por referí tantu na persona komo na animal i opheto.
- E pronòmber relativo *kende* òf *kendenan* ta referí solamente na persona.
- Skibi e siguiente frasenan den bo skref i yena e pronòmber relativo ku falta.



### Seremonia di te

1. Hapones tin un seremonia di te ... ta data for di siglo 13.
2. E anfitrión, esta e persona ... ta risibí bishita i ta organisá e seremonia, ta yama su invitadonan bon biní.
3. E seremonia ta tumá lugá den un kasita ... ta keda leu den hardin.
4. Tur hende ta sintá riba e tapeit ... ta butá meimei di e kuartu.
5. E artíkulonán ... ta usa pa e seremonia ta poné kla kaba.
6. E anfitrión ta bisa: 'Esaki ta e trepochi di ... mi a konta boso.'
7. Ta e trepochi ... mi bisatawela tabata usa pa e seremonia.'
8. Pa e seremonia ta usa blachinan di te ... a mula un ratu promé.
9. Despues ta basha awa kayente den e trepochi ... tin gran balor.
10. Despues ta basha e te ... ta kla pa bebe, den kòpi bunita.
11. Ta un seremonia ... ta eksigí masha rèspèt di e partisipantenan.
12. E seremonia di te ta segun leinan estrikto ... antepasadonan a preskribí.



### 5n Buska predikado i suheto

- Skibi e siguiente frasenan den bo skref i hala un strepi blou bou di e predikado.
- Hala un strepi oraño bou di e suheto di kada frase.

### Sakurá, e flor nashonal di Hapon

1. E palu di chèri ta floria na luna di mart òf aprel.
2. Hapones ta yama e flornan bunita akí sakurá.
3. Tur hende ta gusta piknik bou di e palunan na flor.
4. Nan ta selebrá komienso di primavera.
5. Hapones ta haña sakurá e flor di mas presioso.
6. Ora di fiesta nan ta dònra e sala di fiesta ku sakurá.
7. Bo ta mira e flornan riba hopi pintura hapones.

